

D. O. A. S. G. J. A. S. S. E. N. T.  
DISSERTATIO  
**HISTORIAM**  
**BIBLIOTHECÆ**  
**REGIÆ ACADEMIÆ ABOENSIS**  
EXPONENS;

Cujus

PARTICULAM QUARTAM,

*Conf. Ampl. Facult. Phil. in Illustri ad Auram Lyceo;  
Publico examini subjiciunt*

AUCTOR

**HENRICUS GABRIEL**  
**PORTHAN,**

Reg. Acad. Bibliothecarius,

*Et RESPONDENS*

**NICOLAUS ÆIMELÆUS,**

Ostrobothniensis.

In AUDITORIO MAJORI Die XIX DECEMBRIS  
Anno MDCCCLXXII.

H. A. M. C

---

ABOÆ

Typis JOHANNIS CHRISTOPHORI FRENCKELL.

# THESES RESPONDENTIS.

Thesis I. Logicam apte definiri credimus, si dicatur *scientia veritatem feliciter cognoscendi & cum aliis communicandi*; unde in has duas commodissime videtur partes dispesci posse: prior autem pars rursus, cum de veritate modoque eandem feliciter cognoscendi & indagandi, tum de cognoscendi facultate excolenda & emendanda s. perficienda, agere distincte debet. Ut hodie hæc scientia tractatur, multas quidem utiles continet observationes atque regulas, sed multas quoque nugas & tricas, multisque vulgo laborat defectibus, nec ordine proponitur satis apto & concinno.

Th. II. Difficile dictu est, utrum sistema, modum commercii inter animam & corpus explicandi, sistema Adsistentie an Harmoniaë Præstabilitæ, sit absurdius.

Th. III. Jus DEI in creaturas, nec ex potentia ejus nec bonitate sola, sed ex creationis & conservationis opere arcessendum est, a quo neutra abest. Principium enim simplicissimum videtur, ut *in sua quisque opera dominium habeat*.

Th. IV. Sensum quandam moralem hominum inesse animis, si rite hæc doctrina explicetur, & defendi potest, & non dissentire ab effato Apostoli, Rom. 2:14, 15 videtur; ut adeo non inutilem in ea explicanda Cel. Hutcheson consummisse operam sit censendus. Multum vero abest, ut sola-hac via Jurisprudentia naturalis, vel explicari integra, vel graviter satis inculcari queat. Ordinendum est a DEO Legislatore & Principe summo, ejusque voluntas ex finibus ejus & constitutione naturæ humanæ diligenter interpretanda.

Th. V. Ut totum institutum servitutis perfectæ inter homines introductæ, quatenus ad liberos quoque servorum extenditur, in ignorantia & barbariei tenebris natum, humanitat non optime convenit, ita gentibus quæ cultiorum nomine superbiunt, non sane multæ cedit laudi, quod eundem hunc morem, magis minusve rigidum, haud paucæ retinuerint. Quid itaque de illis sentiendum, qui scriptis eundem defendere veriti non sunt? Et qui turpissimum cum Negris commercium, liberos sepe & cognatos suos Europæis videntium, (utrum horum an illorum majori opprobrio?) probare sustinent?

## §. X.

Lætiorem promittere in posterum Bibliothecæ nostræ fortunam, ultimi exeuntis hujus seculi anni videbantur; nec fallaci plane eventu, quamvis nebulis tempestatibusque hæc serenitas subinde fuerit intermixta. Itaque novam quasi ab hoc tempore inchoamus in Historia ejus epocham. In quærendis a Regia liberalitate tenui suo thesauro librario subsidiis, Patres Academici non defatigabantur. Indicaverat illis Pastor tum primarius Stockholmiensis Max. Rev. Dn. M. MATTHIAS ISER, Bibliothecam Legati defuncti Generos. D:ni. P. J. COYET (*a*) esse venalem, suamque obtulerat operam in Regia Majestate oranda, ut illa publica emeretur impensa, & usibus Academiæ clementer concederetur. Avide hoc consilium arripiebant Academici. Itaque & literis ad Dn. ISER missis, eum rogabant, ut promissum suum exsolvere non prætermitteret (*b*), & æstate sequente, a. 1693, Stockholmiam profecturo Dn. M. THORSTANO RUDEEN, Poëeos Professori, ut ejusdem rei diligentem ageret curam, in mandatis dabant (*c*). Ad Episcopum quoque Rever. Dn. D. JOHANNEM GEZELIUM, Filium, ibidem tum morantem (*d*), ut & Illustr. Cancellarium, Senatorem Regium Dn. Comit. LAURENTIUM WALLENSTEDT, de hac re scriptum. Rescripsit ille, Coyetiana Bibliotheca ægre detecta, quæ in ædibus Nob. HOGHUSEN delituerat, Regem Augustissimum Academicorum votis propitium videri, modo de

G

pretio

(*a*) De quo videri potest Nob. STJERNMAN *Matricel* öfwer Sw. Rikets Ridd. och Adel, i Del. sid. 439 seq.

(*b*) Protocollum Consistorii Acad. a. 1693, d. 23 Febr.

(*c*) Ibid. d. 22 April.

(*d*) Ibid. d. 28 Junii.

pretio librorum conventum fuerit (*e*), & literis præterea ad Upsaliensis Academiæ Cancellarium (Auræcarum paulo antea misarum Mæcenatem) Illustr. Dn. Sen. Reg. & Comit. BENEDICTUM OXENSTIerna datis jussisse, libros in Bibliotheca hujus Academiæ ditionis duplos aut triplos, in quantum fieri posset, Aboensi forori pauperiori concedi (*f*); de quo tamen Regio mandato exequendo, non videtur esse diligentissime cogitatum, ut infra docebitur. Illustr. quoque Academiæ nostræ Cancellerius Senatui Acad. respondit, se de Coyetiana illa Bibliotheca inquisivisse, sed nequæ de possessore neque de pretio ejus adhuc certi quidquam rescire potuisse; expe-

---

(*e*) Ibid. d. 18 Aug. Eandem spem redux confirmavit, & catalogum se hujus Bibliothecæ inspexisse dixit. Prot. a. 1694, d. 27 Mart.

(*f*) Protoc. a. 1693, d. 18 Aug. Lubet ipsas literas Regias, ex Apographo quod inter Acta Acad. superest, apponere: CARL med Guds nåde ic. Wår synnerlige ynnest ic. Såsom hos Os Biskopen i Åbo Doctor Johannes Gezelius tillika med twånnne Profeslorer, å Academiens wågnar dersammastådes en underdåig anförening gjöra, at besyrde Academie, som förtiden med mycket ringa och litet Bibliothek år försedd, ic.å blifwa understödd med de duppletter och tripletter som vid Academien i Upsala til öfverflöds finnas; altså är härmed til Eder Wår Nådige wilje och besällning, det I söke bemälte Academie uti sådan deras åftundan och nödtorft at willsara, så wida gjörligt må vara, wilhandes synas at Academien i Upsala väl lärer funna umbåra och afslata de böcker som af enhanda slag der finnas til flere än et å tu exemplar. Hwärmed sier det Os til nådigt nöje länsder. Os Wi befalle ic. Af Carlberg d. 20 Julii 1693.

CAROLUS

C. Piper.

exspectare tamen responsum Dni. COYET, Vic Præsidis Tribunalis Wismariensis, qui possessor ejus perhibetur, ad quem literas de ea re deditiset (g). Justa igitur spe excitati Patres Academicici, Dn. MAI THIAM SWE DERUM JurisProfessorem, anno sequente Stockholmiam iter suscipientem, inter cætera Academia negotia hoc erjam sollicite curare jusserunt, publico eam ob causam sumtu subnixum (h). Annuit quidem clementer Regia Majestas Academicorum petitioni (i); sed ad exitum tamen perduci res non potuit. Quare Dn. Professori RU DEEN, Stockholmiae versanti, a 1695, hæc cura rursus commissa, (sociam ei adjungente operam, dum ibidem degeret, Rev. etiam Episcopo (k)), qui eam ob causam ad sequentem usque æstatem, anni 1696, ibi comoratus est, non sine nova Academiæ impensa (l). Scripsit ille quidem, Bibliothecæ sæpius nominatae percensendæ (inventering) mox factum iri initium (m), ut pretium ejus statui posset; sed non multo post signifi cavit

G 2

(g) Litt. Cancell. a. 1693, d. 4 Aug.

(h) Prot. Consist. Ac. a. 1694, d. 9 Maji &amp; 15 Aug.

(i) Kongl. Majts Nådiga Resolution uppå de underrådigste suppliquer och ansökaningar, som å Academiens vägnar i Åbo ärre blesne insinuerade. Gifven Stockholm den 12 Octobris a. 1694, cujus 8 moment, ita habet: Når Kongl. Majt blifver underråttad, huru högt det til Academiens behof förestagne framledne Ambassadeuren Coyets Bibliothek sökes at utbrigas, efter en stälig wärdering, will Kongl. Majt angående desß intôsen för Academien, i Nåder resolvera och förordna.

(k) Prot. Consist. Ac. a. 1695, d. 11 Dec.

(l) Ib. a. 1695, d. 3 Nov. a. 1696, d. 14 Jan. &amp; 26 Mart.

(m) Ibid. a. 1696, d. 6 Febr.

cavit, non placere amplius Illustr. Cancellario Bibliothecam emi Coyetianam, ut corruptam, verum ad alias animum applicuisse (n): qui ipse etiam literis Senatui Acad. datis rationes suas exposuit, docens res hæredum Coyetianorum ita esse implicatas, ut spes emtionis Bibliothecæ istius propere concludendæ, nulla adesset; dici præterea libros esse male habitos atque corruptos: quamobrem cum significatum sibi esset Bibliothecam defuncti Historiographi Regni Nob. Dni. CL. OERNHJELM venalem haberi, rogasse D:num RUDEEN, ut ejus sibi conditionem perspectam redderet, quem ostendere probabilem esse & bene conservatam; itaque indice ejus confecto, quem brevi speret absolutum iri, pretioque inde constituto, Regem August. clementer dati promissi sui se non neglecturum admonere, nec dubium videot quin hæc Bibliotheca Academiæ condonetur (o). Verum hoc quoque consilium, nescio ob quam caussam, irritum fuit. Itaque ut ex promissa & tam diu frustra loperata liberalitate Regia, aliquem tamen, quamvis exiguum, Academia fructum perciperet, literis ad Illustr. Cancellarium missis Patres Acad. supplicabant, ut Bibliothecam defuncti Professoris D:ni DAN. ACHRELII, licet voluminum numero haud quidem insignem, Regiis sumtibus publico Academiæ commodo comparare, sibi permitteretur (p). Sed responsum de illa re non tulerunt

(n) Ib. d. 29 Apr.

(o) Litt. Cancell. a. 1696, d. 5 Maij.

(p) Erat hæc sub hasta vendenda, ut fides solvereatur qua se pro Quæstore quodam provinciali (Landes-Räntmeister) Dn. Achrelius infeliciter obligaverat. Pluris vero æstimata non fuit tota ejus suppellex libraria, quam 1176 Thaler. mon. cupr. Prot. Conf. Ac. a. 1700, d. 14 Julii, & d. 20 Oct. ut & Litt. ad Canc. d. 19 Julii.

runt (q). Mutata erant tempora. Interveniente morte præmatura Regis August. & bellorum gravissima tempestate ingruente, omnis tandem spes, quæ ex publica dilectione liberalitate Bibliothecæ nostræ affulserat, penitus evanuit, cunctaque ad eandem augendam facta hæc molimina, fatali quadam fortunæ adversitate, incassum ceciderunt.

### §. XI.

Iisdem vero his annis, quibus falsa hæc spes supelle-  
ctilem Academiæ librariam lautori munere locupletandi,  
Patiens Acad. delusit, alia, tenuiori licet, attamen solidiori ope, suffulciri cœpit. Nacta enim aliquando est re-  
ditus peculiares atque proprios, ad annua atque perpe-  
tua ejus incrementa impendendos, quæ ex fisci pecuniis  
non plus deinceps quam hactenus, id est nihil, subsidiij  
accepit. Sanciverat videlicet literis ad Illustrissimum  
Cancellarium Academiæ Upsaliensis datis, ejusque Aca-  
demia in commodum, Rex gl. memorie CÆROLUS  
XI, a. 1692 die 2 Julii, in illa tum urbe commoratus,  
ut ad augendam Bibliothecam publicam, singuli in civi-  
tatem Academicam recipiendi Comites & Barones 2  
Thaleros Imperiales (Riksvaler), Nobiles 1 cum dimi-  
dio, & cæteri cives 1 Thalerum Imp. penderent. Ad  
munera præterea Academica admoti, Professores, Bi-  
bliothecarii & Quæstores, eodem fruentes stipendio, li-  
brum 4 Thaler. Imper. pretii, Secretarii, Adjuncti & Lin-  
guarum Magistri 2 Thaleror. Imper. dare jussi sunt, ut  
& Doctoris in superioribus facultatibus titulo insigniti 4  
Thaleros Imp. & Philosophica donati Laurea 2 Thaleros  
Imperiales. Delatum est Aboam æstate sequente Regia-  
rum harum Literarum exemplum: & quamquam ex-

G 3

pressum

---

(q) Prot. cit. d. 19 Dec.

pressum aut peculiare nullum publice accessit mandatum, ut ab hujus quoque Academiæ civibus hæc lex obser-  
varetur, æquum tamen & consultum Rectoribus & Se-  
natui Acad. visum, ut eadem hic quoque pecunia in u-  
sum Bibliothecæ egentissimæ penderetur; quod etiam ab  
a. 1693 sensim invaluit (*a*). Negligentia autem erat non ex-  
cusanda, æquissimi & utilissimi hujus instituti a summo  
Magistratu nullam expetiisse confirmationem aut sanctio-  
nem. Unde evenit, non modo ut Academia alterius  
prærogativæ, Upsaliensibus camenis simul concessæ, par-  
ticipes non fieret, (ut nempe librorum & tractatum omnium Stockholmiae, Upsaliæ, Arosiæ & Strengnesiæ  
impressorum, exemplar Bibliothecæ Academicæ gratis  
traderetur (*b*)), sed ut in pecunia etiam illa colligenda,  
per multos annos, magno Bibliothecæ damno, magna  
regnaret licentia & confusio. Nulla enim primo erat fi-  
xa & stabilis ratio, ut Literæ tamen Regiæ jubebant, e-  
andem exigendi; sed pro suo Rector quisque egit arbitrio.  
Cum fisci, (sic dicti) Rectoris pecunia, plerique  
confundebant; & 6 Thaleros cupreos (qui uno tum Thaler  
respondebant Imperiali) a novis civibus, Academiæ  
nomen dantibus, exigentes, ad alias impensas publicas  
maximam, aut dimidiam saltim partem, plerumque insu-  
mebant, reliqua tantum parte in usum Bibliothecæ attri-  
buta (*c*). Atque hæc quoque exigua pecunia, non sem-  
per

(*a*) Prot. Consist. Ac. a. 1702, d. 12 Febr. Litt. Consist.  
Ac. ad Illustr. Cancellar. a. 1705, d. 7 Oct.

(*b*) Statutum hoc, Regio edicto, dato Upsaliæ, eo-  
dem die ac supra laudatae litteræ, die nempe 2 Julii a.  
1692.

(*c*) Vid. Protoc. Consist. Ac. a. 1700, d. 14 Julii;  
1701, d. 19 Julii; 1702, d. 12 Febr.

per suo reservabatur usui (d). Neque etjam debita se-  
veritate ab omnibus exigebatur; neque accurate ratio-  
nes exactæ pecuniæ a Rectoribus poscebantur aut redde-  
bantur (e). Præterea loco numeratæ pecuniæ a se col-  
lectæ, libros quosdam Bibliothecæ, e suis, nonnulli  
trade-

(d) Sumti ex hac pecunia 300 Thaleri Cupr. ad sum-  
tus Dni. SVEDERI, & rursus 300 ad impensas Dni. RU-  
DEEN, publica Academiæ negotia Stockholmiaæ curan-  
tium, compensandas. Prot. Consist. Ac. a. 1694, d. 15  
Aug. & 1696 d. 26 Mart. (Cfr. supra §. X.) Conquestus  
est a. 1698, d. 6 Jun. Dn. Professor & Bibliothecarius  
HAHN, 900 Thaleros Bibliothecæ esse præceptos, & ad  
alios usus insumtos Prot. ejus diei.

(e) Decretum quidem fuit jam a. 1700, d. 20 Jun.  
(cfr. Prot. hujus diei & etjam d. 14 Aug.) ut Rectores  
pecuniam a Novitiis Studioſis ex præscripto Litt. Reg.  
pendendam exigerent, & Bibliothecario, rationes deinde  
acceptæ & expensæ reddituro, traderent; sed factum ac-  
curate non fuisse, ex querimoniis Bibliothecarii frequen-  
tibus patet. Prot. a. 1701, d. 3 Apr. Scripto igitur, die  
19 Julii rursus monuit, ut qui ab a. 1693 Rectores fuif-  
fent, nec adhuc pecuniæ hujus rationes reddidissent, id  
quamprimum facere juberentur. Assensit Senatus Acad.  
& diem illis præstituit; utcunque itaque huic officio ple-  
riique satisfecerunt (neque tamen omnes), quorum ra-  
tiones examinatae etjam sunt. Prot. a. 1701 d. 19 Jul. & 9 Oct. Litt.  
Episc. Laurbeckii ad Senat. Ac. datae d. 9 Sept. in actis  
hujus anni. Prot. a. 1702, d. 12 Febr. Anno 1704, d.  
21 Jun. questus est rursus Dn. Prof. & Bibl. HAHN,  
magnam hujus pecuniæ partem restare apud Rectores.  
Prot. ej. diei. Cfr. Prot. a. 1708 d. 22 Jun. & 17. Jul.  
Ita ut pateat, non diligentissimum in his rebus obtinuif-  
fe ordinem.

tradebant, non illos quidem semper optimos & carius saepe aestimatos (f). Quæ omnia ex rationibus mancis, adhuc superstribus, patent. Ægre etiam ab iis qui vel honoribus vel muneribus aucti fuerunt Academicis, symbola Bibliothecæ debita rediit (g). Deficiente justa Magistratus sanctione, liberæ fere cujusdam instar collationis, non tributi imperati, omnis hæc Bibliothecæ solvenda pecunia habebatur; cuius exigua satis pars, quæ Bibliothecario tandem tradita fuit, nec ab eo diligentissime administrabatur. Eodem usus more, libros ex suis, nec delectissimos nec æquissimo pretio, interdum Bibliothecæ intulisse, rationesque minus diligenter quam par erat tecissè, reperitur (h). Itaque mederi his incommodis statuit Academiæ Cancellarius, Senator Regius &c. Illustr. Dn. Comes GABRIEL FALKENBERG, magnam in ea re adhibens curam & severitatem. Cujus fidei cum flos salusque Academiæ a. 1704 d. 12 Apr. fuisset commissa, anno sequente a Senatu Ac. edoceri, inter alia, de statu, redditibus & administratione Bibliothecæ voluit, Catalogum ejus, cum indicato pretio,

---

(f) Decretum quidem fuit, ut Rectores non pro arbitrio, sed consulto Senatu libros Bibliothecæ emerent (Prot. a. 1697, d. 13 Jan.); fatis autem validum hoc remedium non fuit, contra illud quod indicavi malum.

(g) Prot. a. 1701 d. 19 Jul. 1702 d. 12 Febr. 1708 d. 15 & 22 Jun. 31 Aug. 15 Dec.

(h) Cognovisse tamen saepius pretia librorum ab eo emtorum & venditorum, Senatum reperimus. Minutum quorundam pretium a. 1701 d. 26 Sept. Decretum ut examinaretur a. 1704 d. 14 Jun. 1705 d. 27 Jan. & 2 Jun. Cfr. prott. Rationes etiam reddidisse Senatui, a. 1704, invenimus, ejus scil. pecuniæ quæ sibi tradita esset. Prot. 1705 d. 2 & 22 Jun. 1708 d. 17 Jul.

tio, loco emtionis, & libri cujusque conditione, unaque rationes accepti & expensi, sibi mitti jubens (*i*). Paruit huic mandato Senatus Academicus, & tam rationes a Bibliothecario confectas (*k*), quam Indicem typis impressum, ejusque supplementum manu scriptum, libros qui postea accesserant exhibens, sensim in debitum ordinem collocandos, transmisit; quorum etiam pretium & locus emtionis adpositi; (nam superiores libri, typis exscripto exhibiti catalogo, dono, ut vidimus, accepti plerique erant.) Simul etiam ostensum, nullos alios fuisse Bibliothecar̄ reditus, quam qui a civibus Academiæ, vi Literarum Regiarum, Upsaliensis Acad. Cancellario a. 1692 d. 2 Julii datarum, conferrentur: quarum observantiam, nullo quidem expressò mandato hujus quoque Lycei membris injunctam, apprime tamen & æquam & necessariam visam, adeoque inculcatam fuisse; verum ita, ut ne rei novitate juventus deterreretur, duris præfertim Patriæ temporibus (*l*), dimidia tantum pars summae præscriptæ, initio fuerit exacta. Petebat porro Senatus Ac. ut hac lex, posthac in nostris quoque oris perpetuo observanda, publica auctoritate confirmaretur (*m*). Satisfactum esse primum hoc responso Illust. D:no Cancellario videbatur. Verum triennio post, cum interim non multo accuratius res Bibliothecar̄ administrarentur,

## H

aliis

(*i*) Litt. Cancell. a. 1705 d. 20 Jun.

(*k*) Quales scil. Senatui paulo ante reddiderat; qua occasione quidam libri, aut inepti aut nimis care æstimati, a Senatu rejecti fuisse videntur, ad quos resumendos paratum se esse declaravit. Prot. a. 1705 d. 23 Jun.

(*l*) Propter annonæ fævitiam, ultimis exeuntis seculi annis, & mox fecutas belli gravissimi procellas.

(*m*) Litt. Senatus Acad. ad Cancell. a. 1705 d. 7 Oct. data.

aliis literis; quo & in ordinem Bibliotheca debitum redigeretur, & graviora in posterum mala præciderentur, inventarium librorum a Bibliothecario confici justum completemque jussit, & rationes acceptæ pecuniæ expensæque sibi mitti, documentis testimoniiisque firmis munitas, ut tuto colligere ex illis posset, qua fide thesauri hujus sibi commissi curam gesserit (n); eandemque rem iterato mandato, non multo post, graviter ursit (o). Significavit itaque Bibliothecario Senatus Acad. ut ocios hæc mandata exsequeretur (p); qui cum & rationes & catalogos, ejusdem ac superiores indolis, Senatui Acad. tradidisset, una cum exemplo literarum quas triennio ante ad Illustr. Cancellarium datas esse diximus, ad eundem transmissi sunt (q). Sed non erant hujusmodi ut Dn.  
Cancel-

(n) Litt. Cancellarii ad Senat. Ac. a. 1708 d. 9 Jun. Premebat hoc mandatum non solum Bibliothecarium, sed etiam eos qui Rectoris munere proximis 12 annis functi fuerant. Suspiciari se indicavit Dn. Prof. & Bibliothecarius HAHN, inimice se ab aliquo rursus apud Illustr. Dn Cancellarium esse delatum, & in Rectorum negligentiam, qui pecuniam Bibliothecæ nec accurate exegerant, nec sibi tradiderant, magnam a se culpæ partem amovit. Prot. Consist. Ac. a. 1708 d. 22 Jun. Quin aperte, alia occasione, a Dn. Prof. NESSELIO hanc sibi invidiam conflatam esse conquestus est, qui privatis inductus offensis, fidem suam apud Illustr. Cancellarium labefactaverit. Prot. a. 1709 d. 13 Apr.

(o) Litt. Cancell. a. 1708 d. 13 Jul.

(p) Litt. ad Cancell. a. 1708 d. 20 Jul. & ad Prof. & Bibl. HAHN eod. die scriptæ.

(q) Litt. ad Cancell. a. 1708 d. 14 Sept. Cfr. Prot. a. 1708 d. 22 Jun. & 31 Aug. Occasione tamen hac, rursus de pecunia Bibliothecæ accuratius sibi tradenda,

Cancellario approbarentur; itaque rescriptis mox sibi minime placere: quod in rationibus, non satis distincte digestis, neque demonstratum accurate esset in quos iudicis omnis pecunia Bibliothecæ debita tuerit iussumta, neque ullis firmatum testimoniosis quid aut redierit quotannis, aut redire debuerit, & an suo quisque debito satisfecerit, sed indicatum solummodo quid a quoque Rectore Bibliothecario sit traditum. His itaque detectibus ut medela adhiberetur, postulavit. Inventarium autem omnium librorum completum accuratumque denuo poscebat; quod ut confici posset, e numero Professorum certos eligi jussit, qui Bibliothecam diligenter percenserent, libros omnes emtos accurate aestimarent, justumque in ordinem redactum librorum omnium indicem, suisque subscriptis nominibus firmatum, sibi transmitterent; qui si ineptis aut inutilibus libris oneratam Bibliothecam reperiissent, pretio repetito, illis qui tradiderant eosdem redderent (r). Ob dies breviores ob-

H 2

scurio-

Bibliothecarium monuisse, quamvis non magno successu, reperimus. Prot. a. 1708 d. 15 & 22 Jun. 17 Jul. 31 Aug. Decretum etjani prudenter fuit, Rev. Episcopo & ProCanc. monente, ut Rectores, quam a novitiis studiosis collegissent in Bibliothecæ usus pecuniam, statis temporibus, quater quotannis, Bibliothecario tradarent numeratam, liberque pararetur in quem & studiosi singuli datae, & Bibliothecarius a se acceptæ summam, propria manu inscriberent. Prot. a. 1708 d. 17 & 20 Jul. sed exsecutioni minus diligenter fuit mandatum. Cfr. Prot. a. 1708 d. 11 Novemb.

(r) Litt. Cancell. a. 1708 d. 8 Dec. Unde verba sequentia, quibus mentem suam de ratione Bibliothecam nostram sapienter augendi, explicat graviter, adponere lubet: Hwarwid mäste observeras, at et Academist Bi-

curioresque, hæc Bibliothecæ percensio ad vernale tempus anni sequentis rejecta est (*1*), & deinde D:nis D: PETRO HIELM Medic. ISRAELI NESSELIO Eloqu. & ABRAHAMO ALANO Lingg. S. S. Professoribus, hoc negotium commissum (*2*), qui æstate proxima, a. 1709, illud perfecerunt (*3*). Quod autem ante finem hujus anni, nec rationes quas postulaverat accuratores, nec acta institutæ recensionis, cum Illustr. Cancellario communicarentur, longius illi res trahi videbatur; quare severis literis ut maturaretur monuit; in quibus addidit, ut & amissorum librorum ab iis ratio posceretur, quorum culpa perierant, & Bibliothecarius deinceps ad rationes accepti & expensi accuratas, ex tenore Constitutionum Academicarum quotannis reddendas, adigeretur (*4*).

Curam

---

bliothek förmästligast deraföre är inrättadt, at deruti må finnas de böcker som funna vara de Studerande til nyttja, jämst wäl och at sådane böcker icke sätts längt för Bibliothekets constante medel dit samlas, som hvor och en Professor och studerande siffrwé funna åga, utan fast mera bör efterträcktas, at til Bibliotheket u:handlas de nödigaste och nyttigaste böcker som finnas funna, och således deß ringa medel wäl och nyttigt användas til det som häst kan behöfwas.

(*s*). Litt. Consistorii Acad. ad Illustr. Cancellarium d. 15 Dec. a. 1708 & Prot. ej. diei.

(*t*) Recusare quidem hanc provinciam voluit Dn. Prof. NESSELIUS, sed postulante in primis Bibliothecario injuncta illi fuit. Prot. a. 1709 d. 8 & 24 Apr. & 28 Maij. Paratum se esse ad libros recipiendos qui rejicentur, Dn. Prof. & Bibliothecarius HAHN dictavit. Prot. a. 1708 d. 15 Dec. 1709 d. 8 & 13 Apr.

(*u*) Mense Junio & Julio. Cfr. acta hujus recensionis, quæ supersunt.

(*v*) Litt. Cancell. a. 1710 d. 15 Febr.

Curam igitur actiorern injecit Senatus Acad. ut ad existum hæc res perduceretur, & rationes tandem Bibliothecarii diligentiores, a se examinatas probatasque (*x*), una cum indicibus librorum accuratis, ad Illustr. Dn. Cancellarium transmisit; simul docens, & quibus membris suis curam Bibliothecæ percensendæ dedisset, & quid ab illis præstitum: scil. totam Bibliothecam fuisse diligenter perlustratam, pretia librorum & emitorum & perditorum accuratius aestimata, inutiles & ineptos repudiatos, eorumque loco alios meliores receptos (*y*). Atque

H 3

(*x*) Cfr. Prot. Consist. Ac. 1710 d. 18 Apr. 25 & 30 Jun. Superest harum rationum exemplum authenticum; ex iis liquet, pecuniam aut libros constituti in Regiis literis valoris, Bibliothecæ ab iis debitos qui munieribus Academicis admoti fuerunt, aut Doctoris titulo decorati, ab anno usque 1693, satis accurate hac occasione fuisse præstitos; a Magistris, ab anno domum 1700; a novitiis quod ante æstatem anni 1695 collectum fuit, omnismum est; ab eo enim demum tempore, ad æstatem anni 1709 quod intercessit intervallum, hæ rationes complectuntur. Quid interim quovis anno a novitiis redire debuerit, non demonstratur; tantum quid a quovis Rectore acceperit, Bibliothecarius certis documentis probat. Indicavimus supra, quam incerta lege hæ pecunia initio exigetur. Itaque jam summus rigor aut accuratio locum amplius habere non potuit. Suam tamen opem Senatus Acad. Bibliothecario ad eam pecuniam quæ in Bibliothecæ usum collecta fuerat, nec sibi adhuc tradita, accipiendo, præsticit. Prot. a. 1710, d. 15 Apr.

(*y*) Moram autem excusavit, quod quibus hæc cura fuit commissa, aliis præterea laboribus distinerentur. Litt. Senatus Acad. ad Cancell. a. 1710 d. 30 Jun.

que etiam qui huic negotio præfuerant, literis ad eundem datis, operæ suæ rationem reddebant (z). Docent hæc acta, rationesque adhuc conservatæ, ex quo redditus hœc Bibliotheca habere cœpit, ad æstatem anni 1709, adeoque sedecim annis integris, in ejus usum incrementumque cessisse Thaleros cupreos 3728 cum quadrante; tenuis sane summa, & qua magna quidem librorum copiæ comparari non potuit. Accedit autem hac pecunia reperimus volumina circiter 150, (scil. 83. in fol. 72 in 40, 33 in 80 & 2 in 120) præter Globum cœlestem & terrestrem, diametri unius prope pedis, & Radium Astronomicum (aa). Hic igitur jam nostræ Bibliothecæ ex proprio fundo fructus fuit; duplo utique uberior futurus, si hi redditus accurate exacti administratiue fuissent. Verum spinis initio ager obsitus erat.

(z) Excusabant se, quod omnes inutiles libros severissime rejicere non potuerint, quia difficile fuit tam longo tempore perturbatam rem, uno conatu in ordinem debitum restituere; uti nec libros omnes, ante plures jam annos Bibliothecæ traditos & usa deinde tritos, pro præsenti illorum conditione, Bibliothecario renidente, aestimare potuerunt. Omnia tamen hæc judicio Illustr. Cancellarii subjiciebant. Inventarium novum se non confecisse narrabant, sed typis impressum secutos catalogum, cui adjectum accuratum supplementum; quæ vero ad librum quemque annotanda esent, in Protocollo observalle, quod una ad Illustr. Cancellarium mittebant. Litt. Professorum D. Petri Hielm, Iur. Nesselii & Abr. Alani ad Canc. d. 7 Julii a. 1710.

(aa) Qui jam, temporis injuria contractus est, ut Globi isti in usum Scholæ Cathedralis nuper ex decreto Senatus Academicæ venditi. Libri partim, ut diximus, a Rectoribus & Bibliothecario e suis traditi, par-

erat. Tantum autem absuit, ut hac opera vel Bibliothecarii vel delegatorum ad Bibliothecam in ordinem redigendam Professorum, Illustr. Cancellarius contentus adhuc esset, ut severiora etiam ad scopum suum attingendum adminicula, adhibenda esse censeret. Datis enim ad Rev. Episcopum & Pro-Cancellarium literis, non modo conquestus est se rationes a Bibliothecario obtinere quales popolcerat non potuisse, sed etiam significavit, se utrique Theologiae Professori, D:nis M. M. INGEMUNDO BRÖMS & HERMANNO ROSS, in mandatis dedisse, ut in auxilium adscito Vice-Bibliothecario M. JOHANNE PIHLMAN, Bibliothecam sollicite recenserent, eoque peracto opere, rationes a Bibliothecario accuratas, firmis munitas atque sufficientibus documentis (verificarioner) exigerent, & donec eas præstitisset, pecuniam Bibliothecæ omnem, quæ vel apud ipsum supererisset, vel interim redditura foret, administrandam reciperent, cuius diligentibus deinde ab illis reddendæ essent rationes (bb). Hæc eadem etiam literis ad dictos Professores Fac. Theol. missis explicuit, illisque injunxit; ex quarum principio liquet, ansam hujusmodi consilii ipsos Illustr. Cancellario dedisse, & de administracione Bibliothecæ minus diligentí aliquid ad eum retulisse (cc). Consultum sibi videri iisdem significavit literis, libros

---

tim ex defunctorum Professorum D.D. ELIÆ TILLANDS & MAGNI STEEN relictis librariis emti; pauci novi a Bibliopolis Germanis, merces suas hic transvehentibus comparati. Opera quidem nonnulla, nova in primis, egregia sunt; sed multa etiam levis preti, & quibus facile Bibliotheca publica caruisset.

(bb) Litt. Cancell. ad Episc. & Pro-Canc. D. D. JOH. GEZELIUM, datæ Stockh. a. 1712 d. 30 Febr.

(cc) Ab anno enim 1709 Bibliothecarius nullas rur-

libros inutiles & ineptos, quibus Bibliotheca laboraret, omnes vendi, & pecunia inde collecta alios utiliores præstantioresque comparari; quo vero commercio non multum fane Bibliothecæ res fuisset aucta. Ut jussi Illustr. Cancellarii satisficeret, sub feriis æstivalibus opus aggredi, constituti censores decreverunt, literisque datis & exemplo adjuncto mandatorum Ill. Cancellarii, eam rem Dn. Prof. & Bibliothecarium HAHN, infirma valetudine rursum in prædio suo detentum edocuerunt, ut & præstituto tempore, si per valetudinem liceret, ipse adesset rogantes, (aut alium suo loco statueret) & rationes exactas accepti & expensi ab æstate a. 1709, quam primum conficeret, sibique una cum pecunia collecta, ad novos quosdam libros maxime necessarios emendos insumenta, quantocius traderet (*dd*); quibus, fidem suam multis contestatus & de inimicorum questus acerbitate, se obsecundaturum respondit (*ee*). Verum hac æstate nihil tamen actum, morbo ut videtur D:ni HAHN, impediente (*ff*). In fine anni tandem convenerunt delegati, in ædibus Bibliothecæ, novumque & diligentius adoratum catalogum condere, atque proximo mense Januario libros recensendi operam inchoare, decreverunt; D:no quoque Bibliothecario, rationes requisitas se quamprimum prolaturum, promittente (*gg*). Laudabili etiam

---

sus rationes reddiderat; nec ulli libri accessisse videntur. Quare de hac re sine dubio conquesti sunt.

(*dd*) Litt. Facultatis Theol. ad D. Prof. & Bibl. *HAHN*, datae a. 1712, d. 29 Apr.

(*ee*) Supersunt hæ litæræ, datae d. Maji a. 1712.

(*ff*) Acta mox indicanda. Cfr. Prot. Consist. Ac. a. 1722, d. 26 Maji.

(*gg*) Acta hac occasione, d. 15 Dec. a. 1712 signata.